

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Sektor za javna preduzeća i javne ustanove**

Broj: 19-04-7040/23-3
Zenica, 18.05.2023. godine

STRUČNA SLUŽBA GRADSKOG VIJEĆA

PREDMET: Izvještaj o poslovanju PD "Regionalna deponija Mošćanica" d.o.o. Zenica za 2022. godinu

Sektor za javna preduzeća i javne ustanove u ime Osnivača razmotrio je Izvještaj o poslovanju PD "Regionalna deponija Mošćanica" d.o.o. Zenica za 2022. godinu sa pripadajućim setom izvještaja. Nakon analize dostavljenih dokumenata, Sektor konstatuje:

U 2022. godini PD "Regionalna deponija Mošćanica" je zastupao Šabani Adnan, bachelor ekonomije, dok funkciju Nadzornog odbora obavljaju: Sabira Helvida, Jakuta Imširović i Adnan Bajramović.

RDM je javno preduzeće čija je osnovna djelatnost zbrinjavanje čvrstog neopasnog otpada. Sredstva za izgradnju prve faze deponije zadužilo je Društvo u iznosu 7 miliona USD, a garancije za vraćanje kredita je dala tada Općina Zenica. Društvo je zvanično pušteno u rad 05.06.2008. godine.

Prijem otpada na deponiji se odvija svakodnevno u vremenu od 07:00 do 23:00 sata. Aktivnosti na deponiji su usmjerene i na poslove izdvajanja reciklabilnih materijala iz dopremljenog otpada, kao što su: PET ambalaža, tvrda plastika, metalni otpad, papir-karton, auto gume i sl.

Na dan 31.12.2022. godine u Društvu je bilo zaposleno ukupno 39 radnika (33 sa ugovorom o radu na neodređeno vrijeme, 5 sa ugovorom o radu na određeno i direktor čiji se radni angažman vezuje za mandatni period).

U toku 2022. godine PD RDM je svakodnevno pružalo usluge zbrinjavanja komunalnog i njemu sličnog neopasnog otpada. Otpad se doprema sa područja Regije za upravljanje čvrstim otpadom (Zenica, Visoko, Travnik, Vitez, Busovača, Zavidovići, Žepče i Novi Travnik). Regija koju opslužuje RDM ima oko 400.000 stanovnika.

Društvo je nastavilo sa aktivnostima na izdvajanju korisnih materijala iz dopremljenog otpada. Po tom osnovu ostvaruju dodatni izvor prihoda, a što je još važnije tako vrše uštedu odlagališnog prostora (do sada je, za nepunih 15 godina rada uštedeno oko 58.750 m³ odlagališnog prostora, dok su procjene da se u 2022. godini uštedjelo cca 2.700 m³ prostora). Prodaja izdvojenih materijala se vrši putem javnih poziva, a u 2022. godini od prodaje je ostvaren neto prihod u iznosu od 70.361,20 KM. Izdvajanje ovih materijala se vrši manuelnim putem na samom radnom polju odlagališne kasete.

Za period od 01.01. – 31.12.2022. godine planirano je da se deponuje 76.040 tone komunalnog otpada, dok je u navedenom period stvarno dopremljeno 72.373,04 tone, što je za 3.666,96 tona manje u odnosu na Plan.

Najveći korisnik usluga PD RDM je Grad Zenica sa 50,89% odloženih količina komunalnog otpada u odnosu na ukupno deponovane količine ove vrste otpada.

Društvo je u 2022. godini ostvarilo prihode u iznosu od 3.918.966 KM (u odnosu na Plan prihodi su manji za 264.494 KM, a u odnosu na 2021. godinu manji za 176.482 KM). S druge strane, **ukupni rashodi u 2022. godini su iznosili 2.382.804 KM** (u odnosu na Plan rashodi su manji za 456.398 KM, a u odnosu na 2021. godinu manji za 237.516 KM).

U strukturi rashoda najveću stavku predstavljaju troškovi plaća i ostalih ličnih primanja, u iznosu 1.162.953 KM, odnosno 48,84% ukupnih rashoda.

Poslovna godina je okončana pozitivnim rezultatom, te **ostvarena neto dobit Društva za period 01.01. – 31.12.2022. godine iznosi 1.338.262 KM.**

Zbog činjenice da je Društvo redovni aplikant na javne pozive za dodjelu grant sredstava, te da je uslov za učešće i prihvatanje aplikacije na istim sufinansiranje projekata vlastitim sredstvima u procentu oko 60% od ukupne vrijednosti projekta, prijedlog direktora za raspodjelu ostvarene dobiti jeste da se kompletan iznos rasporedi kao neraspoređena, akumulirana dobit.

Potrebno je istaći i činjenicu da je Društvo zadržalo nepromijenjenu cijenu odlaganja otpada, osim u slučaju pružanja usluga odlaganja neopasnog industrijskog otpada, gdje su cijene pružanja usluga povećane. Također, Društvo je do sada sve investicije realiziralo iz vlastitih sredstava poslovanja i osiguranih donacija, bez dodanih kreditnih zaduženja.

Društvo je tokom cijele 2022. godine bilo solventno i redovno je izmirivalo svoje obaveze prema državi i radnicima. Također, redovno je izmirivalo i kreditne obaveze prema Ministarstvu finansija FBiH, odnosno Svjetskoj banci, podignutim za potrebe izgradnje i opremanja Deponije. U 2022. godini izmirena su četiri anuiteta kredita u iznosu od 946.583 KM. Posljednja rata po prvom kreditu dospijeva u 2025. godini, a po drugom kreditu u 2027. godini.

Sa 31.12.2022. godine Društvo nema dospjelih, a ne izmirenih obaveza.

Na dan 31.12.2022. godine stanje potraživanja, novčanih sredstava i obaveza iznosi:

- Kratkoročna potraživanja (kupci) 617.006 KM
- Novčana sredstva 1.931.733 KM
- Kratkoročne obaveze (dobavljači) 778 KM

U 2022. godini Društvo planira investirati blizu 1.000.000 KM u projekte i opremu koji su neophodni u radu deponije. Najznačajnija investicija u finansijskom smislu jeste izvođenje pripremnih zemljanih radova na petoj ćeliji kasete broj 2. Najznačajnije investicije koje su započete u 2022. godini, a koje će se realizirati u 2023. godini su:

- Zemljani radovi na petoj ćeliji kasete broj 2 956.241 KM
- Nabavka buldozera 795.389 KM
- Izgradnja solarne fotonaponske elektrane 116.877 KM
- Nabavka i produženje kolske vage 76.050 KM

U 2022. godini Nadzorni odbor je održao 6 redovnih sjednica na kojima je razmatrano 57 tačaka dnevnog reda, dok su rukovođenje Direktora ocijenili kao uspješno, te su dali pozitivnu ocjenu o radu.

Reviziju finansijskih izvještaja je obavilo Društvo za reviziju „Expert“ d.o.o. Zenica, te su na iste dali pozitivno mišljenje. Naglasili su da izvještaji daju istinit i fer prikaz finansijskog položaja Društva, finansijsku uspješnost, i novčane tokove za 2022. godinu, te su u skladu sa međunarodnim standardima finansijskog izvještavanja i računovodstvenim propisima koji se primjenjuju u FBiH.

Nadzorni odbor je svojim odlukama usvojio Izvještaj o poslovanju, Izvještaj o reviziji finansijskih izvještaja, Godišnji obračun, te Izvještaj o radu Direktora PD RDM d.o.o. Zenica, za 2022. godinu.

Sektor za ekologiju i komunalne poslove, kao resor, nije dostavio svoje mišljenje na priloženi Izvještaj o poslovanju.

Sektor za javna preduzeća i ustanove dostavlja Izvještaj o poslovanju Privrednog društva “Regionalna deponija Mošćanica” d.o.o. Zenica u 2022. godini, sa pratećim izvještajima, Gradskom vijeću na dalje razmatranje i usvajanje.

PRILOZI:

1. Izvještaj o poslovanju PD “Regionalna deponija Mošćanica” d.o.o. Zenica za 2022. godinu, sa Odlukom Nadzornog odbora o usvajanju istih,
2. Izvještaj o radu Direktora u 2022. godini, sa Odlukom Nadzornog odbora o usvajanju istog,
3. Izvještaj o radu Nadzornog odbora u 2022. godini,
4. Izvještaj neovisnog revizora o izvršenoj reviziji finansijskih izvještaja PD “RDM” d.o.o. Zenica za 2022. godinu, sa Odlukom o usvajanju Izvještaja revizije od strane Nadzornog odbora.

S poštovanjem,

DOSTAVLJENO:

1x Naslov
1x a/a



Šefica sektora za
javna preduzeća i javne ustanove
Mia Pojskić